




دیگر غزل

غمزه خونریزیکه امر ایت که دوکسون قائمی
دست عزرائیله نوبت ویرمه سن آل جانمی
دویدی هرخت جگر بر مرغ آتشیاره
برسمندر خانه یاپدم سینه سوزانمی
اولیه بر آهندلک اولدم اسیر عشقی کیم
دائما فواره ایله دیده کریانمی
بر بردن شرم ایدردی آفتاب و ماهتاب
چکسه لر طاق سپهره صورت جانانمی
قصه تکدیر ایتسه ده قندلی تلذیذ ایدر
یاردن کتم ایلم حال دل پنهانمی
همت عشقکه اولدم عرش پیمای وصال
برج افلان اوستنه دیکدم لوای شانمی
سیر کلزاره بوکون کیتدم (امیری) یار ایله
ایلدم دنیایه اعلان قدرت سبحانمی

آثار نزیهانه لری شایسته تقدیر اولان یوسف ضیا بکک ملت
کتبخانه سنده بوعاجزی بوله میهرق ارتجالاً بالتحریر براقدق لری قطعه
بکله دم استادی بر ساعت تمام
کوزلرمده سوندی نور انتظار
جامع عرفانه اولدک برامام
هپ جماعتدر سکاکنج ، اختیار

— جوابم —

کلبه احزانمه ویردک ضیا
بولمدک ، برقطعه ایتدک یادکار
ای ضیای منبر و محراب عشق
مستدام ایتسون سنی پروردکار